

Sèn Jan ai 20 de mé 2022
COMUNICAT STAMPA

I segnalibres del concors “L SEGNALIBER CHE VOLESSE” doventa TEILA per fornir su nesc paijes co l’identità e la cultura ladina!

L bon ejit del concors “L segnaliber che volesse”, endrezà via per l 2021 da la Biblioteca ladina “Père Frumenzio Ghetta” de la “Majon di Fascegn”, l à dat gaissa de durèr pèrt di dessegnes rué ite ence per meter en esser na campagna identità sul teritorie, per seghitèr a meter en pratega l obietif de “jir fora per la strèdes” e fèr viver l Istitut fora dai ujes de l’istituzion. Va inant belapontin la emprometuda de tor ite l teritorie portan tel concret l slogan «Mia majon, mia storia, mia parlèda».

I segnalibres regoec i é stac duré per l calandèr e l planner ladins 2022, publiché sul sit del Istitut ladin e sui social e, **da anché enscin la fin de otober**, na pèrt **se la vedarà tachèda fora te duta Fascia** tres de bela gran teiles da color. L zil l é de chiamèr endò l’atenzion su l’empordanza de engaissèr la jent a viver sia identità. **L é na vida desvaliva, da color e feruscola per ge dèr na neva parbuda a nesc paijes**, percheche la **“Majon di Fascegn”** l é l’istituzion ladina per ezelenza, ma l é ence e soraldut Fascia, majon belapontin, cèsa di fascegn e lech olache la jent cogn stèr bel sorì, per viver o per passèr sia vacanzes.

Amò apede chesta scomenzadiva vel ence sparpagnèr fora e fèr cognoscer l nef logo de la Majon di Fascegn, jit fora la pruma outa ai 21 de oril.

Se aon podù embeletèr Fascia con chesta parbuda identità l é amò n’outa **de gra a la colaborazion de la persones e de la istituzions del teritorie.**

N detelpai sinzier ge l dijon donca **a duc chi che à tout su con gaissa chesta scomenzadiva:**

la aministrazions de comun, la Scola Ladina de Fascia, la scolina e la scola mesèna de Ciampedel, la Coprativa de Fascia, la Cèsa de Pausa, l curat de Moena, l Park Hotel Avisio de Soraga, Bruno de Martin da Vich, la lescivèra Da Marta e la familia Winterle de Pera, i Studafech da Poza, la pizzeria Udai a Mazin, l Soggiorno Dolomiti a Ciampestrin, la palestra de rampinèda ADEL a Ciampedel, l restorant Tobià de Zeli a Dèlba, l restorant Agnello de Ciampedel, l curat e la Majon Roces de Cianacei e l Bar de Penìa.

Con chesta vertola vegn portà dant ence na **endesfida**. Duc chi che à tout pèrt a desvaliva vides a chesta scomenzadiva, ma ence duc chi che à gust, **vegn envié a chierir i banner** fora per la val e **a ge manèr ite a la biblioteca** (biblioteca@istladin.net) sia fotografia, che la vegnarà publichèda su la piata facebook @te biblioteca del Istitut Cultural Ladin. Ve speton de n muie!

(AR/ar)

Sèn Jan/San Giovanni di Fassa, 20 maggio 2022

COMUNICATO STAMPA

I Segnalibri del concorso “IL SEGNALIBRO CHE VORREI” divengono BANNER per decorare i nostri paesi con l’identità e la cultura ladina!

Il successo riscosso dal concorso “Il segnalibro che vorrei” organizzato nel corso del 2021 dalla Biblioteca ladina “Padre Frumenzio Ghetta” della “Majon di Fascegn” ha dato origine all’idea di utilizzare una parte dei disegni pervenuti per realizzare una campagna identitaria sul territorio, al fine di dare seguito all’obiettivo di “scendere nelle piazze” e far vivere l’ente fuori dalle porte dell’istituzione. Prosegue infatti l’attività di coinvolgimento del territorio dando concretezza al pay-off «Mia majon, mia storia, mia parlèda».

I segnalibri raccolti sono stati utilizzati per realizzare il calendario e il planner ladini 2022, sono stati pubblicati sul sito dell’Istituto ladino e sui social e, **da oggi fino alla fine di ottobre**, una parte di questi **sarà esposta in formato gigante in tutta la Val di Fassa**. L’intento è di richiamare nuovamente l’attenzione sull’importanza della partecipazione viva e attiva delle persone alla loro identità. **È un modo giocoso, colorato e vivace per arredare la quotidianità dei nostri paesi**, perché la “**Majon di Fascegn**” è l’istituzione ladina per eccellenza, ma è anche e soprattutto la Val di Fassa, *majon* appunto, casa dei fassani e luogo accogliente per chi si stabilisce in questa comunità e sul territorio, per viverci o per trascorrere le proprie vacanze.

Non da ultimo questa iniziativa rientra anche nelle attività secondarie di lancio del nuovo logo, inaugurato il 21 aprile.

Se abbiamo potuto abbellire la Val di Fassa con questa veste identitaria è ancora una volta **grazie alla collaborazione con le persone e le istituzioni del territorio**.

Un grazie sincero va dunque **a tutti coloro che hanno aderito a questa iniziativa**:

tutte le amministrazioni comunali della valle, la Scuola Ladina di Fassa, la Scuola dell’infanzia e la scuola media di Campitello di Fassa, il Fassacoop Center, La Casa di Riposo, il parroco di Moena, il Caffè Viennese di Moena, il Park Hotel Avisio di Soraga, Bruno Ghetta di Vigo

di Fassa, la lavanderia Da Marta e la famiglia Winterle di Pera di Fassa, i Vigili del Fuoco di Pozza di Fassa, la pizzeria Udai a Mazzin di Fassa, il Soggiorno Dolomiti a Campestrin di Fassa, la Palestra di roccia ADEL e il Ristorante Agnello di Campitello di Fassa, la parrocchia e la Majon di Roces di Canazei, il bar ristorante Tobia de Zeli a Alba di Canazei e il Bar de Penia a Penia di Canazei.

Con questo pretesto, tutti coloro che hanno aderito in diversi modi a questa iniziativa, ma anche tutti coloro che vogliono partecipare, **sono invitati a cercare i banner** in tutta la valle e **a inviare alla biblioteca (biblioteca@istladin.net) il loro selfie, che verrà pubblicato sulla pagina facebook @te biblioteca del Istitut Cultural Ladin.** Vi aspettiamo numerosi!

(AR/ar)